

Na osnovu Odluke Vlade Bosansko-podrinjskog kantona Goražde broj: 03-11-2566/24 od 05.12.2024.godine o davanju saglasnosti na Program o izmjenama i dopunama Programa utroška sredstava Ministarstva za privredu Bosansko-podrinjskog kantona Goražde „Program podrške razvoju neprofitnih organizacija Bosansko-podrinjskog kantona Goražde“ za 2024.godinu, utvrđenog na ekonomskom kodu 614300-Tekući transferi neprofitnim organizacijama, Ministarstvo za privredu Bosansko-podrinjskog kantona Goražde *objavljuje*:

JAVNI POZIV

za odabir korisnika sredstava po Programu o izmjenama i dopunama programa utroška sredstava Ministarstva za privredu Bosansko-podrinjskog kantona Goražde „Program podrške razvoju neprofitnih organizacija Bosansko-podrinjskog kantona Goražde“ za 2024.godinu

1. Predmet javnog poziva

Predmet javnog poziva je prikupljanje zahtjeva neprofitnih organizacija za sufinansiranje i pružanje podrške, davanjem pojedinačne državne pomoći s ciljem podrške u radu, poboljšanju uslova za rad Udruženja poslodavaca, Privredne komore, Obrtničke komore i Udruženja Stari zanati sa područja Bosansko-podrinjskog kantona Goražde.

2. Ciljne grupe

Na Javni poziv mogu aplicirati Udruženje poslodavaca, Privredna komora, Obrtnička komora i Udruženje Stari zanati sa područja Bosansko-podrinjskog kantona Goražde koji ispunjavaju uslove u skladu sa Programom.

3. Opšti i posebni ciljevi programa

Opći cilj programa je pružanje podrške, kako bi se pojačali kapaciteti u udruženjima i komorama u cilju boljeg i kvalitetnijeg pružanja podrške privrednim subjektima, obrtnicima i poduzetnicima kroz unapređenje i bolje zastupanje interesa članova udruženja, komora, odnosno rada neprofitnih organizacija na području Bosansko-podrinjskog kantona Goražde.

4. Potrebna sredstva za provođenje programa

Potrebna sredstva za provođenje Programa o izmjenama i dopunama programa definisana su Budžetom Bosansko-podrinjskog kantona („Službene novine Bosansko-podrinjskog kantona Goražde“, broj: 16/23), na ekonomskom kodu 614 300– Tekući transferi neprofitnim organizacijama u iznosu od 50.000 KM.

Iznos sredstava koji može biti zatražen za sufinansiranje održivosti, opstojnosti i aktivnosti koje će provoditi tokom perioda trajanja programa je u rasponu od 2.500,00 do 10.000,00 KM.

5. Odabir korisnika sredstava

Sve dostavljene prijedloge zahtjeva u skladu sa odredbama Programa i izmjene i dopune programa, procjenjuje Komisija imenovana od strane Ministra za privredu Bosansko-podrinjskog kantona Goražde.

Sredstva iz budžeta će se dodijeljivati korisnicima srazmjerno njihovom doprinosu ostvarivanja opštih ciljeva i očekivanih rezultata programa, a u skladu sa kriterijima iz programa.

Konačnu Odluku o dodjeli sredstava donosi Vlada Bosansko-podrinjskog kantona Goražde na prijedlog Ministra za privredu Bosansko-podrinjskog kantona Goražde.

6. Obavezni prilozi

Aplikanti su dužni dostaviti prijedloge zahtjeva u formi koja je propisana od strane Ministarstva za privredu Bosansko-podrinjskog kantona Goražde. Forma za dostavljanje prijedloga zahtjeva, aplikacioni obrasci kao i Program Ministarstva za privredu mogu se preuzeti sa internet stranice Vlade Bosansko-podrinjskog kantona Goražde www.bpkgo.ba.

- Ovjerenu Izjavu da su u posljednje tri godine namjenski utrošili dodijeljena sredstva Ministarstva za privredu (ukoliko su im ista dodijeljena);
- Rješenje o registraciji sa svim pojedinačnim priložima;
- Uvjerenje o izmirenim obavezama po osnovu javnih prihoda od poreske uprave;
- Uvjerenje o izmirenju obaveza PIO/MIO sa podacima o broju prijavljenih radnika;
- Uvjerenje da nije pokrenut stečaj ili likvidacija
- Uvjerenje ili potvrda da nema blokiran račun;
- Izvještaj o finansijskom osiguranju (bilans stanja i bilans uspjeha za prethodnu godinu);

7. Podnošenje prijedloga projekata i zahtjeva

Prijedlozi zahtjeva sa traženim priložima dostavlja se u zatvorenoj kovrti na adresu: Ministarstvo za privredu Bosansko-podrinjskog kantona Goražde
Ul. Višegradska br.2, Goražde 73000,
sa naznakom: Javni poziv za odabir korisnika sredstava po Programu o izmjeni i dopuni Programa utroška sredstava Ministarstva za privredu Bosansko-podrinjskog kantona Goražde „Program podrške razvoju neprofitnih organizacija Bosansko-podrinjskog kantona Goražde“ za 2024.godinu.

„NE OTVARAJ“

Rok za dostavljanje aplikacija je 8 dana od dana prve objave Javnog poziva putem sredstava javnog informisanja, objave na stranici Vlade i oglasnih ploča Vlade odnosno Ministarstva za privredu Bosansko-podrinjskog kantona Goražde i odnosi se samo na poseban cilj 1 donešenog programa, dok se za poseban cilj 2, u slučaju hitnosti ili nekih drugih razloga, a u skladu sa programom, može aplicirati zahtjevom, bez objavljivanja javnog poziva .

Uvjerena nesmiju biti starija od 3(tri) mjeseca računato od dana podnošenja zahtjeva, a kopije Uvjerena i drugih dokumenata moraju biti ovjerene a takođe ovjera ne smije biti starija od tri mjeseca.

8. Ostale odredbe

Sa aplikantima čiji se zahtjevi prihvate biće potpisani Ugovori o sufinansiranju odobrenih zahtjeva, kojim će biti preciziran način i dinamika korištenja odobrenih sredstava, te nadzor nad utroškom istih u namijenjene svrhe.

Sve dopunske informacije vezane za Javni poziv mogu se dobiti svakim radnim danom putem telefona, broja 038/228-640 od 08.00 do 16.00 sati.

Broj:04-11- 1044-18 /24
Goražde, 09.12.2024.godine

